

AD I. COR. CAP. IX.

*nonne sum liber? Ne Apostolicum munus quis credat, quia Apostoli & Doctores ministri sunt Ecclesiae, & ipse servum se fecerat omnibus v. 19. libertati quicquam derogare. Et cum Apostolum se dixit, ne dubium de eo sit, aut saltem ipse inferior censeatur aliis Apostolis, qui Christum in carne viderunt, quare porro: Nonne Christum vidi? Quo de legere est Act. IX 5. Cap. XXII. 18. Denique instat querendo: Nonne opus meum vos estis in Domino? Quia inde Apostolatium suum confirmare poterat proprio ipsorum testimonio, qui & tanquam Apostolum eum susceperant, & vim Apostolici muneris & doctrinae ejus experti erant. Quo nomine addit: Etsi alius non sum Apostolus; Sed tamen vobis sum. Nam signaculum Apostolatus mei vos estis in Domino. Quod in virtute praedicationis, miraculorum, laborum, & periculorum inter ipsos, & conversione ipsorum imprimis effulgebat, quibus ceu sigillis divinis consignarat & corroborarat munus Apostolicum. Non autem hisce se jactat Apostolus à quadam ambitione; sed os obturatum vult illis, qui calumniis officium illius impetebant, ut doctrinae per Apostolos praedicatae fidem, ac auctoritatem derogarent. Theophylactus *σουτρετα* hanc tradens ita habet: Quasi dicat: Quamvis Christus ipse jubeat, ut is, qui Evangelium praedicaret, de Evangelio, hoc est, ab iis, qui ad fidem instruerentur, sumeret victum. Ipse tamen, si optio detur, malim equidem inedia confici, quam ut videar à vobis quidpiam accepisse, sed mearum manuum opera vitae mihi alimoniam comparo. Erant etiam (ut videtur) apud Corinthios praepceptores nonnulli, praedivites & opulenti, qui gloriae ducerent, alios gratis instruere, molirenturque, ut Apostolo ad ignominiam cederet quaesitus ex doctrinae cibis. Quà re ipse animadversa cavebat, ne victum à discipulis sumeret, tametsi esset id ei permissum. Mecum itaque sic agitur, inquit; Vos tamen nec idolothytis interea abstinetis. Huc tamen omnis orationis hujusce sensus redigitur: Non sum, inquit, Apostolus? Ne quis forte occurrens inquam: Propterea nulla sumis à discipulis alimenta, quia tibi ut agas hoc non licet. Unde id infert: Quid illud? Nonne & Apostoli ceteri victum à discipulis capiunt? Etiam inquit. Quid igitur? Nonne & ipse Apostolus sum, ut illi sunt? Scilicet. Nonne liber sum? hoc est ne-*